



Ewi wāween aō lolorjak aer roñjake melele ko jen na?

- Karejar im lelok āt ko im melele in kebaak ko an armij ro remaron bar lelok melele ñan rijerbal in keij eo am. Remaron naj aikuj kōmelim ilo jeje ilo jet ien ko.
- Kōmelim an rijerbal eo an keij deloñ ilo mweo imōm bwe en emmonlok an melele kin jekjek eo am.
- Etal ñan aoleb kwe ko emōj aer karōki ñan kenono kin keij eo ak kin ajiri ro nejum.
- Lelok kajitōk ko kin madmōd eo im ta eo kwōmaron kōmmane.
- Lolorjak am boklok ajiri ro nejum ñan jabdewōt ien ko emōj karōki aer etal ak lolak rijerbal ro ewōr aer jejetin kapeel ilo ien renaj kajitōk.
- Lolorjak am lelok melele ko rekāāl ñan rijerbal in keij eo am einwōt juon atorej ekāāl, juon armij eo ekāāl waj ñan an jokwe mweo imōm, ak melele in kebaak eo ekāāl.
- Kajitōk kin mennin jibañ ko. Ilo jet county ko, ro rej lelok rōjañ ikijen jinen im jemen ajiri rebojak in jibañ kwe ilo ien etale eo.
- Kōjellaik rijerbal eo an keij eo kin armij ro jet ewōr aer melele kin wāween eo. An lablok melele eo ibben rijerbal in keij eo enaj emmonlok an maron kōmmane jemlok eo.



Woñ eo ij kebaak elañe ewōr aō abnōnō kin keij eo aō?

Ñe ewōr am abnōnō ak inebata, jouj im kebaak rijerbal in keij eo am ñe ejab supervisor eo an.

Ñe ejañin de tōbrak aoleb abnōnō ko ibbam, kwōmaron kall ae lok Rikōmadmōd eo an Jikin ilo jukjukinbed eo am.

Kwōmaron kall ae lok Office of Constituent Relations (opij eo ej jibañ) ilo

1-800-723-4831 ñan jibañ jabdewōt ien

-ak-

Kwōmaron kall ae lok Opij eo an Family & Children’s Ombuds (Rijerbal eo ej lolorjak abnōnō ko an baamle im ajiri) ilo 1-800-571-7321.

**Opij in ejenolok jen DCYF. Ej etale abnōnō ko kin DCYF.*

Ñe kwōkōnaan kabe in peba in ilo wāween ko jet ak ilo bar juon kajin, jouj im kebaak Constituent Relations (jikin jibañ) eo an DCYF (1-800-723-4831 | 360-902-8060, ConstRelations@dcyf.wa.gov).

Etale eo an Child Protective Services (opij eo ej lelok jibañ ñan ajiri ro rej bed ilo uwōta in jorrāan, CPS)

Kejbarok Ajiri jen Uwōta ilo ad bar Kakajur Baamle ko



Washington State Department of
CHILDREN, YOUTH & FAMILIES



Ta in juon Etale an CPS?

Juon Etale an CPS ej juon kōmadmōd ñan juon nae ruen armij ke emōj aer lelok metak ak kajool ñan juon ajiri. Ej juon niknik in jermal ejellok kalijeklok ñan bōk melele ko rejimwe elañe ear walok metak, kajool, ak jolok ajiri eo, wāween ak elañe ej likūt ajiri eo ñan an ioon metak ak jool ilo jeklaj, im elañe ajiri ro rej bed ilo uwōta ñan jorrān. Mennin enaj dedelok kin kajitōk ko im ien kajitōkin ko jen eloñ armij im jikin ko rekkar ñan bōk melele.

Etke ij loe juon etale?

- Department of Children, Youth and Families (Opj eo ej bōk eddon jermal in jibañ ko ñan ejmour im ainemmon ko an Ajiri, Jodikdik, im Baamle ko rej ioon uwōta in jorrān, DCYF) ear loe ripoot eo kin abnōnō ko ikijen an ajiri eo nejum bed ilo uwōta in jorrān.
- Ripoot in ear bed iomwon kōmelele eo an kakien ikijen kōmetak im kajool ajiri (RCW 26.44.020).
- Ripoot eo ear kwalok ke elab joñan ak elab uwōta kin melele ko emōj nae ruen im remaron kōmman uwōta in jorrān ñan ajiri eo nejum ilo ien in wōt.
- DCYF ekōnaan jermal ibbam ñan kejbarok ajiri ro nejum jen uwōta in jorrān.

Ta kōmelele eo kin Kōmetak im Kajool Ajiri?

Kōmetak im kajool ajiri ej melelein juon jorrān, kakkure kin mantin loñ, ak wia kake ajiri kin mantin loñ jen jabdewōt armij eo iomwin kōmelele ko rej kalikar ke ejmour, ainemmonn, ak kejbarok eo an ajiri eo ebed ilo uwōta, ak kin an ajiri eo jool ak kakkure aer lale. Lale Jebta 110-30 WAC ñan tibdikin melele ko online ilo <https://apps.leg.wa.gov/WAC/default.aspx?cite=110-30&full=true>.

Ta eo kwōn katmane jen Etale eo?

- DCYF elab an kaurok baamle ko im ej jermal ñan kejbarok an ajiri ro bed wōt ilo moko mweir elañe remaron bed wōt ilo ejellok uwōta ñan jorrān. Aurok eo elabtata ej ñan an ajiri eo nejum jab bed ilo uwōta ñan jorrān im rijerbal in keij eo am enaj jermal ibbam ñan bukōt wāween eo ñan an ajiri eo nejum jab bed ilo uwōta ilo mweo imōm, elañe emaron tōbrak mennin.
- Rej aikuj jermal ibbam im ibben ajiri ro nejum ilo ejellok kalijeklok im kautiej kom aoleb ien.
- Einwōt jinen ak jemen, rikejbarok eo iomwin kakien, ak armij eo renaj kajitōkin kwe einwōt mōttan etale eo.
- Iomwin kakien, remaron kajitōkin ajiri ro im remaron pijaiki er, einwōt mōttan etale eo, kin kōmelim eo am. Ewōr an ajiri ro maron ñan juon armij jen pade eo kein kajilu renaj kelet bwe en bed ilo ien kajitōkin eo aer.
- Renaj aen melele ilo aer bōke rekoot ko im kōmman ien kajitōkin ko kin eloñ armij ro ruaurok renaj kebaak.
- Ñe enaj loñ mōttan ruprup kakien ko relab kin nae ruen in, rietale eo an CPS emaron kobalok ibben bulijmaan ro ñan kadiklok joñan ien an aen melele ko rej einwōt juon.
- Remaron lelok jermal in jibañ ko ñan lale aikuj ko an baamle eo a, kadiklok uwōta in jorrān im abnōnō ko ikijen kejbarok, ñe ejab keij eo am remaron naj lemaanlok ñan Family Volunntary Services (opij eo ej lelok melele in kajinet ñan baamle, FVS) ñan aer lale.

Ta melele ko emōj loe?

Nae ruen ko remaron naj “Ewōr Kamool” ak “Ejellok Kamool” Juon melele eo emōj loe kamool ej ej melelein ke, ekkar ñan melele ko ewōr, elablok an wūnin tōmak ke kōmetak ak kajool ajiri eo ear walok. Ejellok kamool ej melelein ke, ekkar ñan melele ko ewōr, elablok an kar kōmetak ak kajool ajiri eo jab walok ak ejabwe kein kamool ñan loe ke nae ruen eo ear ak ear jab walok.

Ewi wāween aer naj kōjellaik na kin melele ko emōj loi?

Renaj jilkinwaj juon letā ej kōjellaik kwe kin melele eo emōj loe. Ñe renaj loe ke ewōr kamool, letā eo enaj ba ñan kwe wāween am jumae melele in emōj loe. Jmae in aikuj tōbare opij eo an DCYF iloan 30 raan jen ien am loe leta in kin melele ko emōj loe ñe ejab melele ko emōj loi renaj melele eo aliktata. Loloorjak am kōjellaik rijerbal in keij eo am bwe en jelā kin atorej kāl eo am.

Ewi wāween an juon melele eo emōj loe ewōr kamool jelōte na?

Melele ko emōj loe ewōr kamool rej kakwōn ilo juon jikin eo ebañ ajeeded ilo jikin jermal in kombutor eo an DCYF. Remaron jermal melele kein kin lajra kin wāween kein:

- Kein kamool ilo kōmadmōd ko an jikin ekajet ikijen ajiri ro nejum.
- Lomnak elañe kwōmaron jermal, wōr am laijen, ak lelok jermal in jibañ ñan lale ajiri im rūtto ro remojno.
- Melele ko maanlok kin armij, ilo ien eo ewōr nae ruom ko ilo jeklaj.
- Lomnak elañe kwōmaron tōbrak ñan aer likūt juon nukkum ak ajiri naj nejum ibbam ilo ien enaj aikuj rilale.

